



Broj predmeta: 13-002968/22
Broj akta: 01.1-1413ЕК-0032/23
Datum, 17. 2. 2023.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19) i čl. 70 stav (4) Zakona o javnim nabavkama („Službeni glasnik BiH broj: 39/14), a u skladu s članom 69. stav (2) tačka e) Zakona o javnim nabavkama («Službeni glasnik BiH», broj: 39/14) Zapisnika o pregledu i ocjeni ponuda broj: 13-002968/22 od 26.1.2023. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak za radova na tekućem održavanju javnih objekata u 2023. godini za potrebe Kancelarije za upravljanje javnom imovinom za lotove 1,3,6,7,9,13,17,18,19 i 20 iz provedenog postupka za nabavku radova na tekućem održavanju javnih objekata u 2023. godini – lotovi 1-20 koji je pokrenut na osnovu Odluke o pokretanju postupka javne nabavke broj: Odluke o pokretanju postupka javne nabavke broj: 13-002968/22 od 4.11.2022. godine, Odluke o izmjeni i dopuni odluke o pokretanju postupka javne nabavke broj: 13-002968/22 od 11.11.2022. godine, Obavještenja o nabavci na portalu javnih nabavki broj: 1157-1-3-621-3-696/22 od 11.11.2022. godine, predmjera radova u vezi sa Tenderskom dokumentacijom broj: 13-002968/22 iz razloga što su cijene svih prihvatljivih ponuda znatno veće od osiguranih sredstava za predmetnu nabavku, što prema čl. 69. stav (2) tačka e) Zakona o javnim nabavkama predstavlja osnov za poništenje postupka javne nabavke.

Obrazloženje

Komisija za nabavke je nakon izvršenog otvaranja ponuda konstatovala da je dostavljeno jedanaest ponuda, ponuđača: „Gradnja Cop” d.o.o. Brčko, „As Gradnja” d.o.o. Brčko, „Conram” d.o.o. Brčko, „Zanat Tex” d.o.o. Brčko, „Magnet” d.o.o. Brčko „Dios” d.o.o. Brčko, „Energo system” d.o.o. Brčko, „Papilon” d.o.o. Čelić, „Itinera S” d.o.o. Brčko, „Gradska čistoća” d.o.o. Brčko i „Ross-Adrija” d.o.o. Brčko. Sastavni dio odluke čini zapisnik sa otvaranja ponuda, zapisnik o pregledu i ocjeni ponuda i izvještaj o toku i završetku e aukcije. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive, osim ponude ponuđača „As Gradnja” d.o.o. Brčko. Ustanovljeno je da je u ponudi dostavljen nepotpun obrazac za dostavljanje ponude, odnosno da u sklopu izjava koje daje ponuđač, u skladu sa obrascem iz aneksa 2 tenderske dokumentacije nedostaje druga strana izjave, strana na kojoj se dostavljaju cijene ponude sa uračunatim PDV-om, te izjave o periodu važenja ponude (strana 28 tenderske dokumentacije) Ponuda je ocijenjena kao nepotpuna, te odbačena kao neprihvatljiva u skladu sa tačkom 4.1. tenderske dokumentacije. U ponudi ponuđača „Zanat Tex d.o.o. Brčko je ustanovljeno da je preskočeno numerisanje strane broj 79, ali s obzirom da

je dostavljen predmjer radova, koji ima svoju numeraciju na osnovu koje se vidi kontinuitet stranica, da se ne radi o slučaju da nedostaje strana predmjera radova, komisija je konstatovala da se radi o manjem propustu koji ne narušava konkurenciju i potpunost ponude. Ponuđač je, osim toga, dao napomenu na zadnjoj strani da je prilikom numerisanja preskočen redni broj stranice 79. Ponuđači su ocijenjeni kvalifikovanim i ponude prihvatljivim. Ponuđači su ocijenjeni kvalifikovanim i ponude prihvatljivim. Ustanovljeno je da ponude za lotove 3,6,7,9, 13 i 17 prevazilaze stvarne cijene na tržištu i kao takve nisu prihvatljive. Pojedine stavke su višestruko skuplje od stvarnih cijena na tržištu. Utvrđeno je postojanje računskih greški u ponudi ponuđača „Magnet“ za lotove 19 i 20 kao i u ponudi ponuđača „Papilon“ za Lot 9 koji su dostavili saglasnost za ispravku. Utvrđeno je i postojanje elemenata za sumnju u neprirodno nisku cijenu ponuda na lovima 1,2,4,7,9,10 i 14 i od ponuđača „Zanat Tex“ d.o.o. Brčko i „Dios“ d.o.o. Brčko je zahtijevano pojašnjenje ponuda koje je komisija ocijenila kao prihvatljive. Izvršena je e – aukcija i došlo je do smanjenja cijena kod pojedinih lotova u odnosu na cijene sa otvaranja ponuda. Iznos najpovoljnijih ponuda za lotove 1,3,6,7,9,11,13,15,17,18,19 i 20 je veći od procijenjene vrijednosti nabavke i Kancelarije se izjasnila da se za lotove 11 i 15 može nastaviti sa postupkom nabavke dok se za lotove 1,3,6,7,9,13,17,18,19 i 20 postupak ne može nastaviti i saglasni su da se postupak za navedene lotove poništi. Komisija za nabavke je dostavila preporuku o poništenju postupka nabavke za lotove 1,3,6,7,9,13,17,18,19 i 20.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Kancelariji za upravljanje javnom imovinom,
5. Arhivi.

